



# Synfocity = 433

11<sup>th</sup> April, 2013

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

- **Pastor Quarters hawng**  
 Nimin (April 10) zing dar 7:00 khan Ramhlun Vengthar Bial Pastor Quarters sak thar chu Rev. Vanlalzuata, Senior Executive Secretary-in a hawng.  
 Quarters hi hawn a nih zawhin in chhungah hawna inkhawm tawi neih zui a ni a, Upa R. Zothuama, Ramhlun Vengthar Bial Chairman-in a kaihrui a, Upa Rualthankhuma Sailo, Bial Secretary-in Quarters sak dan leh a kaihnawih reports a pe a; Rev. Vanlalzuatan Quarters hawna thuchah sawiin Pathian hnenah a hlan a ni.  
 Ramhlun Vengthar Bial hi Synod 88-nain Bial thar ni tura a siam, January 14, 2012-a hawn kha a ni a. Pastor Quarters hmun atan hian Upa Lalnuntluanga ram chu a in ding lai chawpin lei a ni a. May 5, 2012-ah in thiah hna thawkin quarters sak hna hi May 21, 2012 atang khan ban khur laiin tan a ni. May 30, 2012-ah lungphum phumin a saknaah hian hnatlang tha 1100 chuang zet sen a ni. Ni 357 chhung sak niin a sakna senso zawng zawng chu Rs.31,63,000.00 a ni a. Hetah hian Synod-in a pek zawng zawng chu Rs.21,30,000.00 niin Bial chhung Kohhranten Rs.10,25,000.00 an thawh khawm bawk. Quarters thar hi a dung feet 45, a vang feet 28 a ni.
- **Synod Office Superintendent thlah**  
 SEC 244:45 thurel bawhzuiin OM chuan Upa F. Lalsangliana, Synod Office Superintendent chu Synod Hospital Coordinator hna thawh turin a ruat a, April 8 (Thawhtanni) khan amah thlahna leh Superintendent mawhphurhna lo thawh tura ruat Dr. Robert S. Halliday i/c Coordinator, Synfo nen charge an inhlan. SEC 4 - 6 June, 2013-in Synod Office Superintendent a ruat leh hmaa Synod Office Superintendent mawhphurhna lo thawh turin Dr. Robert S. Halliday i/c Coordinator, Synfo chu a ruat a, Synfo Coordinator hna nen a thawh kawp rih ang.  
 Chawhma lamah charge inhlanna neih a ni a, chawhnu lamah Synod Office a thawktuten Committee Room - II ah Upa F. Lalsangliana thlahna hun hi an hmang a, Executive Secretary i/c. Mission Rev. P.C. Pachhungan programme a kaihrui a, Senior Executive Secretary Rev. Vanlalzuatan thlahna thuchah a sawi a, Pi Khawvelthangin Thlahna thilpek a hlan a, Upa F. Lalsangliana hnen atangin thusawi ngaihthlak a ni a. Synod Moderator Rev. Lalramliana Pachuau-in tawngtaisakna hun a hmang bawk.
- **Bungkawn Pastor Bial, Reformation & Camping Centre hawng**  
 Bungkawn Pastor Bial, Reformation & Camping Centre Lawipu Veng a mi chu April 4 (Ningani) khan Mizoram Chief Minister & Khuallian ni bawk Pu Lal Thanhawla`n a hawng.  
 Bungkawn Pastor Bial ekawli Reformation& Camping Centre (R&CC) hawna hi Main gate-ah neih a ni a, bial chhunga kohhran hruaitute leh mipui tam tak ten an tawiawm a, hawna neih zawhah hian Centre Main building-ah hunserh inkhawm neih nghal a ni. He inkhawm hi Upa Lalchawia, Bial Chairman-in kaihruiin Bialtu Pastor Rev. T.C. Lalanzova`n hunserh a hmang a. Chief Minister Pu Lal Thanhawla leh Synod Moderator Rev. Lalramliana Pachuau ten thuchah an sawi a, Upa K.Zoliana, Secretary, R&CC hnen atangin Reports ngaihthlak a ni a, Upa R.K. Rohlua, Asst Secretary, R&CC in lawmthu a sawi a, Bungkawn Pastor bial zaipawl te an zai bawk. Rev.H. Lalrinmawia, Secretary, Mizoram Synod-in Malsawmna sawiin he inkhawm hi a tin a ni.  
 He Reformation & Camping Centre hi bigha 25.79-a zau a ni a. He centre din chhan ber chu a hming ang hian ruihlo leh thil dang dang avanga nun leh taksaa harsatna tawkte enkawl leh chhanchhuahna atana buatsaih a ni a, a mamawh apiangte tana Camping neih nan hman tura ruahman a ni bawk.
- **Missionary Tirthchhuah Inkhawm**  
 April 7 (Pathianni) chawhnu khan Synod Mission Board-in Missionary a lak thar mi 19 te pualin Missionary Tirthchhuah Inkhawm, Chanmari West Kohhran Biak In-ah neih a ni.  
 Missionary Tirthchhuah inkhawm hi Rev..C. Pachhunga, Executive Secretary i/c Mission etc. in a kaihrui a, Pu Lalbiakenga Fanai, SMB Asst. Coordinator-in Tirthchhuah turte chanchin a sawi a, Synod Moderator Rev. Lalramliana Pachuau-in Missionary tharte tirthchhuahna hun hmangin Pathian thuchah a sawi. Chanmari Bial Zaipawl leh Chanmari West Kohhran Zaipawitlen hla an rem a, Rev. Lalchhuanmawia, SMB Secretary-in Tawngtaisakna hun a hmang a, Chanmari Bial vawngtu Pastor K. Lalminglianan in malsawmna sawiin inkhawm a tin a ni.  
 Synod Mission Board chuan April 3 - 5 khan Missionary lak tharte pual hian Orientation Training, Synod Committee Room No. 1 ah a lo neihpui tawh a, hetah hian an rawngbawlha atana tangkai tur thil tam tak zirtir an ni.
- **Missionary Training College**  
 ♦ **B.Miss zir tur la thar** : 2013 Session thar atanga Missionary Training College, Mission Vengthlang-a Bachelor of Missiology (B.Miss) zir tur mi 15 a la thar a, chungte chu : Kitty Lewis Laltnamawii D/o Vanlalchhandama, Chanmari W; Lalrosanga Huhnar S/o H. Lalhlengliana (L), Khawruhlian; C. Lalnunfela S/o Lawmsiama, East Lungdar; R. Vanlalhruii D/o R.Rosiamliana, Champhai, VT 'N'; K. Vanlalhruii D/o Lalneihtluanga, Keifang; Lalneihtluangi D/o F. Thangleha, Chhinga Veng; Lalrinawmi Ralte D/o Lalchhuailova, North Khawlek; Joel Zaithanzuala S/o Sanglianthanga, Tlangnuam; Lalrinsanga S/o R. Lalhakima, Darlawn; B. Lallianthanga S/o James Zuithanga, Dinthar I; C. Lalawmpuia S/o C. Vanlalmawia, Ramhlun 'S'; Henry Lalmuanpuia S/o L. Bekunga, N.E Khawdungsei; Nathanaela 'C' S/o Upa C. Lalduhbika, Lawngtlai IV; Rodney Lalremruata S/o Daniel Lalvena, Zemabawk; Marina Lalrinpuui D/o Lalrongura, Tlangnuam  
 ♦ April 18 (Ningani) chawhnu dar 1:00 hian Missionary Graduation Day hmasa ber Synod Conference Centre, Mission Veng-ah hman a ni ang.
- **Kristian Chhungkaw Seminar & Campaign**  
 Family Guidance & Counselling Centre Committee chuan April 13 - 14, 2013 hian Chhimchhak Presbytery Area-ah Kristian Chhungkaw Seminar leh Campaign an nei dawn a. April 13 (Inrinni)-ah Chhimchhak Presbytery huapin Serchhip Kawnpuiah Kristian Chhungkaw Seminar an buatsaih ang a, Rev. Vanlalzuata, Sr. Executive Secretary i/c FG&CC chu Resource Person a ni a. Inrinni zan atanga a tuk April 14 (Pathianni) zan thlengin Serchhip leh Chhiahtlanga Kohhran hrang hrang 18-ah Kristian Chhungkaw Campaign an nei nghal dawn a, Campaigner atan Rev. Vanlalzuata, Sr. E/S; Rev. R. Lalhmingthanga, Director, Rev. Dr. R. Lalbiakmawia, Com. Member; Rev. Lalchungnunga, Com. Member; Rev. Zothansanga, Com. Member; Rev. R. Lalengzauva, Com. Member; Upa Lalramhluna, Com. Member; Pi Khawlvuani, Com. Member; Pu Lalnginglova Hauzel, Com. Member; Rev. C. Rosiama, Counsellor leh Pu H. Lalchhandama, Office Assistant te an kal ang.

Contd...

- **MSSU**
  - ◆ April 13 (Inrinni) hian Damveng Kohhranah Sunday School Zirtutu Training neih a ni dawn a, training neihpui tur hian T. Upa Lalthahluna Ralte, MSSU Asst. Coordinator; Upa Lalchhuanawma, Zuangtui; Upa Hrilthansanga, Mission Vengthlang leh Pu F. Lalenghluna, Ramhlun Vengthar (MSSU Trainers) te an kal ang. Zan Pathian biak inkhawmah T. Upa Lalthahluna Ralte-in Fanau enkawl (Child Evangelism) chungchang thuchah a sawi bawk ang.
  - ◆ April 13 (Inrinni) hian Armed Veng Kohhranah Sunday School Zirtutu Training neih a ni dawn a, training neihpui tur hian Pu John Lalhrualtuanga, MSSU Asst. Coordinator; Upa B. Lalhmunliana, Bethlehem Venglai leh Upa K. Vanlalngbaka, Ramhlun North (MSSU Trainers) te an kal ang. Zan Pathian biak inkhawmah Upa K. Vanlalngbaka Fanau enkawl (Child Evangelism) chungchang thuchah a sawi ang.
- **Synod Hospital**
  - ◆ Synod Hospital, Durtlang-ah Urology Camp buatsaih a ni leh dawn a, kala lungte awm, zai hawng lovin chhut keh/Key-hole Surgery (PCNL) tih theih a ni a, a hnuai tarlan ang hian Super Specialist — Dr. K.P. Mishra, M.S., M.Ch., Urology rawn theih a ni ang.
  - April 17, 2013 : Inentirna Synod Hospital, Durtlang
  - April 18 - 20, 2013 : Operation Synod Hospital, Durtlang
  - ◆ Synod Hospital chu Christian Medical Association of India (CMAI) chuan NE India-a Mission Hospital te tan Waste Management chungchang Training Centre atan a thlang a, Hospital Infection Control Committee ten hma la in damdawiin bawhlhlawh leh Infection then thei chi reng reng chu uluk taka sawngbawlin bawhlhlawh pawh a bawhlhlawh a zirin Dustbin rawng hrang hrangah paih thin tawh a ni a. He Programme hnuai hian Hospital Staff te chu training pek vek tawh an ni a, NE India-a Mission Hospital hrang hrang atangin training an la rawn nei thin dawn a ni.
  - ◆ CMC, Ludhiana-ah Synod sponsor-a MBBS zir duhte tan dil theih a ni a, Application chu Online in [www.cmcludhiana.in](http://www.cmcludhiana.in) ah fill-up tur a ni a, Director, Synod Hospital hnenah Application No. nen April 26, 2013 hma in Sponsorship Form fill-up tur a ni a, mahni ngei kal tur a ni.
- **Synod Bookroom**

Wawin (April 11) hian Mamit Branch tlawh turin Upa R. Lalmalsawma, Prescom General Manager leh Pu Lalniliana, Bookroom Manager te an kal. Mamit Branch tan hian inhmun lei tawh a ni a, a sakna tur duan chhoh mek a ni a, Branch Committee-te nen hna kalpui dan tur an sawi ang.
- **Kristian Thalai Pawl**
  - ◆ April 11 zanah ITI Branch Leadership Training neihpui turin CKTP Asst. Secy Tv. V.L. Muanchhana leh Tv. R. Lalruatkima (com. member) te an kal ang.
  - ◆ April 13 hian Tuikual Kohhranah Bial hup Leadership Training neihpui turin Upa Zonunmawia (Gen. Secy.) leh Pu Lalmuanpuia (Com. member/Asst. Coordinator) te an kal ang.
  - ◆ April 13 hian Bawngkawn East Branch Leadership Training neihpui turin T. Upa Zohmangaiha (Fin. Secy.) leh Tual Upa Lalhrualzela (Com. member) te an kal ang.
  - ◆ KTP Kum Puan Thupui Kaihruaina 2013 -14 leh KTP Inhruaina Dan bu chu chhut nawntir leh mek a ni.
  - ◆ KTP Kum Puan Film Insiamsiaka a ti tha zual Top 5 Branch 6-te film Dvd 2, Rs. 100/- man leh Mental Health, Work Ethics & Value System inazirtirna film "Chiahpuam Pari" Dvd 1 Rs. 50/- man chu CKTP Office leh Purple Electronics, Upper Bazar atangin lei theih a ni ta.
  - ◆ April 7 (Pathianni) khan Mizoram Synod Choir te chu Lungleng I Biala kohhrante tlawhin an kal a. Choir Director Pu Vanlalhrualzela leh CKTP Fin. Secy. Tual Upa Zohmangaiha ten thuchah an sawi.
- **Kohhran Hmeichhe Retreat & Leadership Training**

April 11 - 13 hian Central Kohhran Hmeichhe hruaitute pualin Retreat & Leadership Training, Synod Conference Centre-ah neih a ni ang. Retreat & Leadership Training-ah hian Rev. Lalramliana Pachuau, Synod Moderator; Rev. P.C. Pachhunga, Executive Secretary i/c Women leh Rev. H. Lalrinmawia, Synod Secretary ten Pathian thuchah an sawi ang a, thupui awmsa hmangin Pi H. Lalpianthangi, General Secretary; Dr. Robert S. Halliday, *Superintendent & Coordinator, Synfo leh* Pi C. Lalneihkimi ten thuchah an sawi bawk ang.
- **Hruaina Eng FM Radio & TV Programme**
  - ◆ **APRIL 12 (FM Radio @ 7:30 p.m.) :**  
**Choir :** Bungkawn Kohhran Zaipawl - Ka Khual Zin Kawng, Hlimen Pastor Bial Zaipawl - Ebenezer, **Thuchah :** Rev. Vanlalzuata - Kristian Nun Rinawmna, **Solo :** B. Lalbiakkima - Min Vengtu Chu Lalpa A Ni, Melody Zothansangi - Siamtu Kutthuak
  - ◆ **APRIL 14 (TV Programme @ 3:00 p.m. :**  
**Choir :** Khatla South Kohhran Zaipawl - Lal sut vuanin, **Playback :** Missionary thlah @ Chanmari West Biak In
- **Susamachar Prasaran Programme**

**APRIL 14 (Pathianni) 5:00 pm. Hindi Gospel Programme (Susamachar Prasaran) :**  
**Group/Choir/Solo :** Dawrpui Bial Masihi Sangati - Jaya, **Group/Choir/Solo :** Ramhlun Vengchhak Masihi Sangati, **Sermon :** Rev. SB Gurung - Samai Ka Sudh Upyog, **Group/Choir/Solo :** Saron Veng Masihi Sangati Zaipawl, **Group/Choir/Solo :** Venghnuai Kohhran - Aw Akash
- **Moderator Programme**

Synod Moderator Rev. Lalramliana Pachuau chuan hetiang hian hun a hmang ang :

|                      |         |   |                                 |
|----------------------|---------|---|---------------------------------|
| April 13 (Inrinni)   | Chhun   | : | Hualtu Biak In thar a hawng ang |
| April 13 (Inrinni)   | Zan     | : | Thentlang Kohhran               |
| April 14 (Pathianni) | Chawhma | : | Chhingchhip Mualpui Kohhran     |
| April 14 (Pathianni) | Chawhnu | : | Chhingchhip Venglai Kohhran     |
| April 14 (Pathianni) | Zan     | : | Chhingchhip Venghlun Kohhran    |

## SYNOD RESCUE HOME ADMISSION HRIATTIRNA

Synod Rescue Home-ah Admission hawn leh a ni a. A lut duhte chu Ni 16 - 19 April, 2013 chhungin Pre-admission Counselling, Family Guidance & Counselling Centre (FG&CC), Mission Vengah neih tur a ni a, Ni 24 April, 2013-ah indah luh tur a ni. Hrechiang duh tan Mob. No. **9402112598/9436156932/9862134244**-ah zawh fiah theih a ni.

